

a nga wa e takoto mai nei, chara i te mea i takahia tatou, i araitia ranei te huarahi, kaore, engari na te ngoikore tonu i a tatou.

He ra tenei e mamaaki ai tatou i a tatou tamariki. He tikanga to mua iho te tuku aroha ki nga tamariki i tenei ra. He ra tika rawa tenei hei mihinga ma tatou ma nga matua ki a tatou tamariki e tipu ake nei. Kia pai kia marumia nga tohutohu, nga akoako i a ratou. Houtu nga kupu e tika ana hei whakau i o ratou whakaaaro, kia neke atu ai to ratou na pai i te pai o tatou o nga matua. I tipu nooake tatou ma nga matua i roto i te pouritanga, engari ratou nga tamariki, kua kaha ke te tiaho o te marumitanga. Hōndia atu nga whakaaaro papai mo te taha ki o ratou tinana, mo te taha ki o ratou wairua.

Kia mahara kei a ratou kei nga tamariki e tipu ake nei te honore mo te iwi Maori e heke iho nei, te whakama ranei mo ratou. Noreira kia kaha tatou ki te tope haere i nga wahi ururua kia marumia ai ta ratou whai haere i te huarahi ki te pai, ki te ora, ki te honore, o te taha tinana, o te taha wairua.

MERE KIRIHIMETE HAPE NU TA KI NGĀ TAMARIKI
O TE IWI MAORI TĀE NOĀ KI O KOUTOU MATUA.

TE HAERE MAI A TE TIUKA O IOKA ME TONA HOA WAHINE.

Kua tae mai te whakaatu a te Kingi ki te Kawana-tianara kua tuturu nga ra hei taenga mai mo tana Tama ki Niu Tirenī nei. Kei te Turei te 22 o nga ra o Pepuere ka u mai ki Akarana i runga i tana mahua o karangatia nei ko te "Remown." E rua nga ra ki Akarana ka haere ai ki te takiwa ki Pewhairangi. Ko tana mahi nui i reira he hi i nga ika nui o tera takiwa kua paku nei te rongu ki nga wahi katoa o te ao mo te nui o te mangu, o te mako, me era atu ika o nga hohou o te moana.

Pepuere 26. Ka u mai ki Akarana, haere tonu atu ki Rotorua. I taua po ka mamakitia e nga Maori.

27. Ratapu. Kei Rotorua e okioki ana.

28. Mane. Ka mamakitia e nga hapu o te iwi Maori, i te ata. (Kaore e pera rawa te tokomaha o nga Maori me te wa i te tuakana.) I te awatea ka haere ki Taupo, tae atu ki tana puni hi tarata i Tokaanu.

Māhe 1. Kei Tokaanu.

2. Kei Tokaanu i te ata. I te awatea ka haere ki Wai-maringa. Kei reira tona tereina e whanga ana ki a ia. Ka rere tana tereina i te po, awatea rawa atu kua tae ki Nu Paremata.